



ATASSUT

UPA 2017/10

Mala Høy Kúko

18.05.2017

2017-imut Aningaasaqarnikkut ingerlatsineq pillugu nalunaarut.
(Aningaasaqarnermut Akileraartarnermullu Naalakkersuisoq)

Siullermik Naalakkersuisut Aningaasaqarnikkut ingerlatsineq pillugu nalunaarut 2017 saqqummiussinerannut Atassut-mit qutsavigissavagut.

Nalunaarusiaq suliaavoq annikinngitsoq. Nalunaarusiaq nunatta aningaasaqarnikkut ingerlaneranik aammalu siunissamut sammisumik nunatta nangeqqittumik aningaasaqarnikkut pitsasumik inissismalernissaanik aqqutissanik anguniakkanik imaqarpoq.

Tamanik ilisimaneqarpoq nunatta aningaasaqarnera tunngaveqartarmat aalisakkanut silarsuarmioqatitsinnit pisiarineqartarnerat. Aalisakkanut akigititat appasikkaangata nunatta aningaasaqarnera sanngiitsumik inissismalersarpoq, illuartungaanili aalisakkat qaffasissumik akeqartinneqaraangata, nunatta aningaasaqarnera pitsasumik inissittarpoq.

Nunatta aningaasaqarnerata aalisakkat akiinut kisimi malinnaassanngippat, pisariaqarpoq aningaasarsiornikkut tunngaviit amerlanerusut pilersinnissaat.

Aningaasarsiornikkut tunngavissat nangeqqittunik allat tassaapput:

- 1) inuiattut ilinniartitaanikkut qaffassaaneq
- 2) inuiaqtigiinni ingerlatsinermi aningaasartutikillisaaneq aningaasanillu pisisarnermi atorluaaneq
- 3) aatsitassarsiornermik ingerlatsineq
- 4) takornariaqarnermik annertuusaaneq
- 5) pisortat ingerlatsinerannit annikillisaaneq - liberalisering
- 6) imminut pilersorsinnaanermut taamatullu akisussaaffimmik tigusinissamut pitsasunik sinaakkuteqarnissaq

1

Inuiaqtigiit atugarissaarnerulernissaat aammalu inuunerissaarnernissaat ilinniartitaanikkut qaffassaaneq aqqutissat pingaarnersaraat. Taamaammat pisariaqarpoq meeqqat inuuneraniit inersimasunngornissaannut pitsasunik sinaakkuteqarnissaq.

Ilinniarfítt nageqqittumik pitsasut qulakkeernissaat.

Ilinniartitaanikkut pitsasumik tunngavissiisoqassappat susassaqarfinni tamani sulisut ilinniarluarsimasut pigineqartariaqarput, taakkummatami qulakkeerinnittussat meeqqatta

pitsasumik toqqisisimasumillu atugassaqartinneqarnissaat inersimasunngornissaminut ilinniarnerminni.

2

Inuiaqatigiinni ingerlatsiviit suugaluartut sutigut tamatigut aningaasartuutikillisaarneq aammalu pisariillisaaneq aqqutigalugu ingerlannissaat pingaaruteqarpoq eqqummaariffiguassallugu. Taamaaliornikkut qulakkeerneqassamat aningaasartuutit annikinnerpaaffianniittuarnissaat.

Pisortat aammattaaq qulakkiigassaraat atortussanik kiffartuussinernillu pisisarnerminni nunatsinni suliffeqarfiit aqqutigalugit nunatsinni aningaasat kaaviiartinnissaat aammalu suliffissat nunatsinniiginnarnissaannik.

3

Nunatta aatsitassarsiorneq aqqutigalugu aningaasat nutaat isertitatut pilersittariaqarpai, nunatta aningaasaqarnera aalisakkat akiinut malussajanera qimassaguniuk. Taamaaliornikkut aningaasat nunatsinnut isertartut allat pilersinnejassapput minnerungitsumillu suliffissat nutaat pilersinnejassapput nunatta akileraartarnikkut iluaqtigilertussaammagit.

4

Takornariaqarneq inuussutissarsiuutaavoq pinngortitamik annertuumik mingutsitsinngikkaluarluni annertuumik ingerlanneqarsinnaasoq aammalu pilertortumik ineriertortinnejqarsinnaasoq. Takornariaqarnerli nunatsinni pilersinniaraanni saneqqunnejqarsinnaanngilaq mittarfeqarnikkut aningaasaliinissaq.

Nunatta immikkuullarissusaa aammalu kusanarnersua nunanit allanit tikikkusunneqartalaruarpoq. Tamannali kissaat ajoraluwartumik ingalassimaartinnejqartarpoq nunatsinnut tikinniartilluni angalanermut aningaasartuutit qaffasinnerujussui peqqutaaqataallutik.

5

Pisortat inuussutissarsiuutinut naamminersutunit suliarineqarsinnaasunit ullumikkut peqataatinnejqarnerat nangittumik annertuallaarpoq. Assersuutigalugu uteqqiivilgalugu taaneqarsinnaavoq attaveqarnikkut susaasaqarfiiit unammilleqatigiinnermik ingerlanneqarsinnaasut ammaanneqarnerunissaat Atassut-mit isumaqarpugut.

Taamaammat unammilleqatigiinneq tassalu liberalisering-imik taaaneqartartoq nangittumik susassaqarfinni imminut inuiaqatigiittut akilersinnaasuni ammaanneqarnissaa sutigut tamatigut misissoqqissaartariaqarparput aqqutissiuunnejqarsinnaanersoq.

Akisussaaffimmik tigusineq imminut akilersinnaassaaq, tamanna inuiaqatigiinnut akilersinnaaneruvoq. Assersuutigalugu innuttaasut imminut pilorsorsinnaasut namminneq inigisaqarnissaat ajornanngitsuusariaqarpoq. Tamanna akileraartarnikkut oqlisaanneqarnermik aammalu aningaasanik attartorsinnaanermik periarfissaqartitsinikkut qulakkeerneqassaaq.

Sulinermi akileraartarneq pingaaruteqarpoq innuttaasut isertitakitsumik inissisimasut imminut akilersinnaasumik sulisinnaanerannit qulakkeerininnermik. Tamanna Atassut-mit isumaqarpugut inummut ilanngaatip qaffanneratigut anguneqarsinnaasoq. Taamaattorli Atassut-mit ammaffigaarput aaqqiissutit Naalakkersuisut ilaatigut siunnersuataat misissueqataaffigissallugit, aqqutit sorliit inuiaqatigiinnut pitsaanerunersut.

Taamatut ATASSUT-miit oqaaseqarluta tusaatissatut tiguarput Aningaasaqarnikkut ingerlatsineq pillugu nalunaarut 2017, qilanaarpugullu aamma saqqummiussatsinnut atatillugu qaqtatta tusassallugu Naalakkersuisunit qanoq sammineraat.

Qujanaq!